

OMUKWETU

Registered at the General Post Office as a Newspaper



Dongerki dhimwe etadhi ushuusha owala noshilongatume shomoongamba dha Jerusalem na Judea (pecha dhegumbe), dho itaadhi tala kecha dhuuyuni. Dhiawe etadhi lengo kashenashema eshilonga shevangeli. Ihe oshigongi shayehe sheuvithe lyevangeli muuyuni auhe muLausanne, eshi na elalakanu lyekukandula pe umbanda wokutaaguluka oongamba dhayalwe meku avisha evangeli lyOshilongo shaKalunga. Ehokolele tala kopardja 2

NA LUKWE "KUKU VOIPIO"

Ku amuhe mu li miilonga yeni natango, inamu longa ngaashi uuyuni wa hala, ihe longeni pauyuuki mokuholola oshili muKristus Jesus - osho omutumwa omukulu nomulongi mosamihali yuuteologi, Rauha Voipio a tumbula manga ta laleke okangundu kaanasikola pamwe naalongi yawo mOtjimbingwe muJuni 1974.

Kapwa li oshilyo shEpangelongerki nando shimwe moongeleka adhihe mbali, kapwa li ombapila nenge ondelekelama ya tumwa okulaleka omunashilonga nguka gwomimvo 27 miilonga. Osha li she tu lengitha noonkondo noshe tu sitha ohoni.

Olwindji ngele omuntu wa puiwa u gandje epopilo kumukweni a taambwe miilonga nenge mosikola, oto kambadhala u mu popile muwanawa ngaashi tashi vulika. Oohapu oombwanawa dha tya ngeyi ohatu dhi adha komamanya nenge komishigakant.

Ndika olyo egamo lyetu okutumbula omatumulo taga dhenge nawu uuna tatu lalekanthana nookuume ketu, unene poompito mpoka pwaa na we emonathano nuupu komeho.

Mpaka opo tu ulike olupandu lwetu, shila omuyakuli gwetu natu mu lukeni "Kuku Voipio."

Kuku Rauha Voipio okwa tseyika mOngeleka ayihe nopondje yawo. Okwa nyola omambo ga simana guuteologi nagalwe. Mulimwe lyago lyoshipalanyolo "Kontrak soos Ovambos dit sien", olya ulika nawa nkene a kala pamwe natse mekondjo kehe. Mulyo

okwe tu ulukile sha yela, kutya ina kala ashike iipyakidhila nelongo lyopambepo, ihe okwa tala wo oompumbwe dhomuntu aguhe.

Oshili ndjika a kambadhala okuholola puuyelele oye mu indikitha kepangelo lyaS.A opo kaa ende mpoka ye mwene a hala. Komukalo nguka okwa shuna koSoomi ina mona ookuume ke noyana oyendji ye li muumbangalantu waNamibia (mOwambo).

Omolwakuku Voipio tatu tumbula ngashingeyi edhina VELKSWA, omolwe aasitalongwa yongashingeyi kaye shi we ya E.L.K. nenge ya ELOK, ihe oya VELKSWA. Aasitango ngalo oyendji, aalongisikola, aayevangeliste moongeleka dhetu, oyendji oya kuumtumba poompadhi dhe nokulongwa kuye.

Ngashingeyi ota ka longa oompango dhelaka lyOshindonga mosikola yokombanda yaHelsinki, nota ka tsikila wo okunyola sha kombinga yiilonga yondhalate muumbugantu waAfrika.

Kalunga kombili ne mu longekidhile uuwawanawa kehe aluheluhe.

(Omulongwasita F.Malima)


Etumo Nali Tauluke Eengaba Doilongo Aishe

Itashi wana ngeenge evangeli otali udifwa ashike muJerusalem nomuJudea nokweefa po Samaria nounyuni aushe. Osho sha tiwa kuWalters S.Saukila, waMalawi.

Omuhongifikola mukulu noshilyo shEhangano lokunyanyangidifa Eembibeli muMalawi, ota ti, kutya Ongeleka nai litule mo okudiladila paife etumo tali tauluka omudingonoko nokuya kuovo ve li kuSamaria nokoxulo younyuni.

MuLausanne, Switzerland, omwa ningwa yo oshoongalele sha kula omafiku aa, omo ovakriste Ovayafrika ve dule 300, va kala mo. Moshooongalele eshi eenhundafana ode lipamba unene kombinga yeudifo levangeli mounyuni aushe. Oiimbi yomoshilonga eshi oya kala yo tai tomonwa.

Vahapu vomovawilikerki muAfrika, ove shi tala kutya efimbo ola pya paife eengeleka omu di hovele oshilongatumo, okutwala evangeli, ongee koilongo yokokule, ile kwaavo eputuko loshiyafirka ekwailongo kuvo. Naashi ove shi tala nokutya osho ashike onghedi yokupalela omapuniko a Kalunga meengeleka daAfrika.



I I H O K O L O L A P A A N D J A K A L U N G A

Esiku ndyoka oyendji otaa lombwelerndje taa ti: Omuwa, hatse mboka twa uvithile medhina lyoye notwa tidha mo oompwidhuli medhina lyoye notwa longo iilonga oyindji yoonkondo medhina lyoye? Ngame notandi ya lombwele Inandi mu tseya, ziipo pungame, ne aakolokoshi ... Mat.7:22-29

=====

Euwitho lyaJesus lyokondundu otali gumu omadhiladhilo gomuntu kehe monkalathano yaantu. Omunyoli gumwe ota ti, neuvitho ndika Jesus okwa hala a kuthe aantu unene moshitopolwa shika meitaalo lyawo lyeimbembeleko, a lundulule oondunge dhawo, oohedhi, nomadhiladhilo gopambepo yawo ye e ya hanganithe mombepo yuukumwe waayehe, ndjoka tayi ziminathana negwano lyoshilongo shaKalunga.

Omuwa, otwa uvithile notwa longele iilongankondo medhina lyoye. Osho oyendji taa ka tya esiku ndyoka. Ov.22 Ombimbeli otayi popi momapandja oge ndji, unene mEstestamendi Epe "esiku ndyoka."

Ndika olyo esiku lya yoololwa kuKalunga momasiku omakwawo. Esiku lyiihokolola paandjaKalunga nesiku lyeuthilo Esiku ndika uuna omahalo gaayehe, omadhiladhilo nomitima dhaantu tadhi ka hololwa polweela. Esiku ndyoka Jesus ta ti ope na mboka taa ki ikalela po yoyene moshiketha shepangulo okugandja uanzapo wawo yene, oshoka kaye na we omupopiliko gulwe.

Eyekanitho ndika lyepangulo paandjaKalunga naandyoka lyomokati ketu nkene hatu pangulathana, otali tu kutha momaludhi, kutya oompangu dhaangoka kee na oonzapo, ihadhi zi iiyimati tayi liwa nenyanyu. Dho ihadhi gandja e tegameno komupangulwa.

Osho nesiku ndiyaka eyamukulo tali ka gandjwa efupi: Kandi mu shi - ihe oshilanduli shalyo osha humbata omakuyiwa yaaluhe.--

Omuyapostoli Paulus ota popi oonzapo dhe tu thikamena po ethimbo kehe, shota ti: Ombepo oye mwene ta hokolola nombepo yetu, kutya tse aana yaKalunga Rom. 8:16 Esiku ndiyaka ehokololo lyaMbepo olyo tali pulakenwa ngele otali zimine iilonga yetu.

Shono tashi ziminathana mutse nOmbepo osho eitaalo ndyoka Kalunga te li pendulitha Ombepo ye. Aana yaKalunga otaa endithwe kOmbepo yaKalunga

Oshilonga kehe shono inaashi longwa mOmbepo yaKalunga osho otashi kala sha nika onyama, nonando shi kale osha longwa ando medhina lyaJesus. Gal. 5:19 Shika oshi shi okugalikannenwa esiku kehe, opo Ombepo yaKalunga yi hokolole pamwe noombepo dhetu niilonga yeyu, kutya oyomuKalunga, manga nokuli esiku enene inaa-li thikana.

Ekumagidho otali landula: Ngoka tu uvu oohapu dhandje ye te dhi dhiginine Ov. 24

Shono tashi teya eitaalo lyetu netegameno lyetu kashi shi shimwe ashike, nenge sholudhi lumwe aluke. Oshikolelwa sheyonuko lyegumbo, Jesus e shi longitha mpaka oshiwana unene.

Omukanka ogwa thikamenwa koshiponga shefundja, ekuma okombepo nondunda okoshiponga shomvula. Mpaka otatu yelelwa, kutya kape na nando oshitopolwa shimwe sholutu inaashi thikamenwa koshiponga. Olutu aluhe okuza omumpadhi sigo komutse. Ov. 25

Iiponga mbika otayi vuli okuya oshita nenge pamalufo. Ooitaali oyendji oya tsakanekwa male komahpeko ngaka nayamwe oye li natango mugo. Ihe kape na omalimbililo wo mushika, kutya oku na mboka ya sindwa kugo.

Okusindwa nenge okusindana Jesus ota ti, oshi na sha naampoka eitaalo lya tungilwa Oov. 24, 26

Kaku na nando ogumwe gwomaana yaantu ta vulu okuthikamena omamakelo. Osho wo kaku na nando gumwe gwomaana yaantu e li pondje yomamakelo. Ayehe oye li oshihakanwa shago, naayehe otaa hupu ashike mokudhikila eitaalo kemanya.

Omuyapostoli Petrus ta ti: Tala, ntandi dhikile mu bioni emanya, lya hogololwa, lyoopalelela. Moshangoka te li inekele, ita'sithwa ohoni. Mboka ya tindi oku li itaala, oye ya ningile emanya lyepunduko nolyeagulo. 1 Petr, 2:6,7

(Sebulon Ekandjo)

EMANGULUKO MONGERKI NATANGO

OTALI KONGWA

Onghuwo tai ifana emanguluko oya jdja moshongalele shaaveshe shoukumwe wEengeleka adishe daAfrika, (AACC), kutya kape na natango elongelokalunga la manguluka omolwo kweendjelela kweengeleka apa, keenghedi dikulu doshinailongo.

Oshongalele osho sha li ko pehovelolaMai neudo, musho omwa dja etumwalaka li ye keengeleka adishe muAfrika di li oilyo ile inadi ninga manga, o-po ku lalakanenwe kukeshe Ongeleka okufika melifikameno la wana.

Omukalelipo wongeleka yetu moshongalele shinya, omufitaongalo Apollos Kaulinge, okwa ti kutya noshitya "emanguluko" ile "elifikameno", opa diladilwa unene ekwafo loimaliwa eli hali di pondje tali uya meengeleka da dalwa muAfrika, omusika yOngeleka osho yo ovanhu ovanailongo momayakulo e lili noku lili.

Oukumwe weengeleka daAfrika owa indilwa koshoongalele, u tote po eenhele domauteku moilongo noilongo ya Afrika okutekulila eengeleka daAfrika ovalumenhu novakainhu efiloshisho lOngeleka okumana po omukundu ou.

"Ondi udite sha pumbiwa kOngeleka yetu (oyo ihee fi natango oshilyo mukumwe ou) i konakone noi pwilikine osho tashi linyenge meemwameengeleka, unene tuu kombinga yomaputudolongo opakriste."

Osho omufitaongalo Apollos a holola mekwatelokumwe laashishe sha kundafanwa moshongalele osho. Tate Apollos oye omufilishisho wouteku wopakriste mokati kovanyasha vomeefikola dokombada mOngeleka.

Oitwa itanonashimwe oya holoka metumwalaka loshoongalele shaLusaka, Zambia, eli la tumwa keengeleka muAfrika, opo Kalunga a longe oshilonga shaye shemangululo leengeleka mwaai tai shikula:

1. Komadiladilo makulu opauteoloxi, opo etumwalaka levangeli li udike ko, li kolokwe lo li tulwe moilonga.

2. Koumbada nokoukukutu wokulundulula omahoveloitavelo itaa tungu, nde Omhepo Iyapuki i wilike okuya moshili youumwe womuKristus.

3. Okumangululwa moubada opo tu udife ondaka ipe yekulilo nokuko-

ndjifa owii nomukumo.

4. Koufudime oo hau twala mokupangula owii wokoilongo nokumwene-na womoshilongo sheni

5. Kokuliholamwene oko taku imbi okutukulilafana osho tashi di meenghono dovanhu, mougoba wavo, mefimbo nomomaliko, opo Kalunga e tu wilike okumonununa oshinakuwanifwatumo shetu nokulongifa eedjo edi.

6. Okumangululwa kokweendjelela noupu keliko ekwailongo nokovanailongo nopehee na onghendabala okulitekulila melifikameno fyevene.

Oshongalele shinya oshititatu shaaveshe shomafiku li muLusaka osha li noikundafanwa tai pangelwa kenenediladilo:

TUHE LIKALELE FYEVENE, NDELENE OU E
TU FILA

Kakele kemanguluko lomongerki, oshongalele osha kundafana yo nelitulemo emanguluko loilongo moubuwantu waAfrika nomuAfrika alishe.

Ovakalelipo vomahangano manene taa kondjele emanguluko loilongo moubuwantu waAfrika ova li yo moshongalele eshi nova ongelelwa mo ongalo R3,500 Ehangano laSWAPO yo oli na mo ombinga moimaliwa ei.

Oshongalele osha indila yo Oraata yeengeleka adishe mounyuni (WCC) osho yo omahangano makwao haa kondjifa okatongotongo, i longife enwefemolayo meengeleka adishe momahangano ile omunhu paumwe meni nopondje yoshilongo, opo ku kelelwe ovatembukili aveshe ovatilyane moubuwantu waAfrika, epungulo leembaanga li xulifwe po, opo epangelo lovatilyane moubuwantu waAfrika li fininikwe okuyandja emanguluko kovalaula voovene.

Oukumwe weengeleka muAfrika owa fikameengeleka 103 domoilongo 31 yaAfrika novakrista aveshe kumwe eemiliyona 48.



O S H I P A N G O O S H I T I T A T U

Omasiku gahamano longa iilonga yoye, esiku etiheyali u na okuvululukwa, ongombe yoye nokasino koye, opo ka vululukwe. Nomuna omumati gwomupika gwoye omukiintu nomukwiilongo, ya fudhe po 2Mos. 23:12

=====

Aakuluyonale inaa yapula esiku lyOsoondaha. Oya kala ngaa haa yapula omasiku gamwe ngaashi: Esiku lyomvula ya loka oshipupula, omugongo gwa teka oshitayi, omvula ya loka lwotango. Osho wo esiku lyoosa dhomukwaniilwa, aantu ihaa longo sha moshilongo.

Omolwashike Kalunga ta ti: "Dhiginina?" Kalunga okwa tseya uunyengwi womuntu nuudhimbwantu we, onke ote mu kamagidha a kala nokudhimbulukwa aluhe esiku ndika noku li yapula.

ESIKU NAAYUUDA

KAayuuda okuyapula otashi ti okuyoolola, okwiikalekela sha. Osho Kalunga okwa yoolola esapati 1 Mos.2:3 Esiku lyokuvululukwa okuzimbuka miilonga. Osho hatu popi okuvululukwa ongulohi nenge okuzimbuka miilonga ongulohi yontumba, aantu ya li ya hungila.

Kalunga sho kwa utha esiku ndika li yapulwe, okwa hala aantu ya zimbuke miilonga yawo iidhigu, yo ya vululukwe, aantu niimuna yawo ya galulilwe onkondo dhawo.

Aayuuda oya dhiginine esapati, ihe oya puka wo sho ya thiminike aantu kaaya longe nando osha noya shekitha Kristus, yo inaa vula okuzimina iilonga mbyoka yoyene ye yi longo esiku ndyoka.

Esapati naakriste

Aakriste otaa yapula Osoondaha, esiku lyotango lyoshiwike, oshoka omo Omukulili gwetu Jesus Kristus a yumuka kuusi Mark.16:2-6

Esiku ndika lyOsoondaha nomasiku omakwawo ngaashi Okrismesa, Opaasa, Etililo lyOmbepo Ondjapuki, Omumvo Omupe, Esiku lyetumo, Osoondaha yaa-pagani, oga yoololelwa oohapu dhaKalunga. Mugo tu ilongekidhile ompito nethimbo okukala melongelokalunga okupulakena nokukonakona oohapudhe. Okwiimba nokuhambelela nokugalikana.

Okuyapula esiku ndika, oku li tala

eyapuki. Tse aakriste tu li yapule sho tatu longo iilonga iiyapuki, tatu endathana noohapu dhaKalunga noku dhi humbata moomwenyo dhetu nomomakana getu.

Oohapu dhaKalunga odho oondjapuki dhi vule iinima ayihe iiyapuki, oshoka Kalunga ngoka e shi popya, omuyapuki gwaaluhe.

Esiku lyevululukoko olyo omagano gaKalunga e ga pa aantu, ihe aantu kaye na ehalo oku li yapula. Ohaye li yono niilonga yawo ngaashi; okutsa, okuhondja, okuyoga, okulima, okukangula, okulanditha nokulanda osho wo okukonga iikolitha.

Oohapu dhaKalunga olwindji odha shundulwa nokudhinika nomukalo gwokwaa-pulakena oohapu dhaKalunga, oku dhi filika, okwaadhi leshe, mokwaapyakudhuka okuya kudho, mokusheka aauvithi yadho, mokukudhila mOngeleka naapehe hadhi uvithwa po, mokupitaapita melongelokalunga.

DHIMBULUKWA: okuyapula esiku ndika okwaalonga sha mulyo, okuya kelongelokalunga, okukonakona oohapu dhaKalunga Ps. 34:11, okutalelapo aavu, aakulupe noku ya popitha noohapu dhaKalunga. Okwiikelela kuuyenda

Iilonga yOsoordaha

Iilonga yeyakulo otashi vulika yi longwe mesiku ndika, okuyakula aakwanaluhepo, miilonga yoohotela nookefe, okulanda iikulya. Ombkulili gwetu okwa yakula mesiku ndika aavu Joh. 5:1-9.

Esiku ndika olyesilohenda, kali shi oku tu manga. Olya tulwa po oku tu etela eyambeko lyokolutu nolyokomwenyo. Eyambeko lyokomwenyo mesiku ndika, otu li na ashike mokuuva oohapu dhaKalunga. Aanelago omboka taa uvu oohapu dhe noku dhi dhiginina Luk. 11:28

Kape na esiku tali vulu okuyapulwa pwaa na oohapu dhaKalunga.

(Sha fatululwa ku Rev.F.Alugongo)

E O N G A L O N O S H I L O N G A T U M O

Limwe lomomaongalo omoshitaingerki shaUkwanyama, eongalo Onheleiwa, ola tambula eifano okulonga oshilongatumo mokati kovapaani, unene kOvakwan-gahala. Eongalo laNheleiwa ola kala efimbo li na ekwatafano noshilonga shetumo omido edi adishe, ndele paife la hala okulitula mo.

Eongalo eli olipe komaongalo aeshe moshitai shaUkwanyama, nola kala nou-djuu muhapu omolwehovelu okutunga eengulu deongalo. Ndele nande ongaha, ola kala nokuongelala sha oshilongatumo oimaliwa noikutu iwa,ipe. Neudo la yandja oimaliwa R 13,74 osho yo oikutu, nova udaneka okutuma oipakete ikwao.

Omolwekwatafano novapaani, ova longifa vali omukalo umwe, omulongi umwe okwa xwama mofikola yaye kOnheleiwa nde ta longekida onunona va shangele onunona wOvayelele eembapila dekwatafano, opo nee onunona va hafa eshi va mona ookaume ketumo. Ove va shangela (alulila) yo nehafo. Osho ngaha ekwatafano la holoka pokati kovapaani neongalo laNheleiwa.

Meongalo laNheleiwa omwa kala yo ovalongi ovo va nknga oshivilo shavo mokudimbulukwa oshivilohombolo shavo. Moshivilo eshi ova ninga ongalo oyo ya mona oimaliwa ihapu va li tave i pumbwa meumbo lavo. Ndele eshi va li ve hole oshilonga shetumo, ova yandja oimaliwa aishe eeranda da koya omulongo(R 11,00). Eshi otashi holola yo kutya otu na eemhito dihapu okulonga oshilongatumo shimha tuu ohole tai xwama meemwenyo detu.

Ngaashi momaongalo etu mwa totwa oungudu voshilongatumo, ondelineekela ovo tava kondjo otava ka findana mokulongela Omwene wavo, nOngerki yetu otai ka punikwa. Eongalo laNheleiwa, owa kufa onhele iwa, ito i kufwa nande okulye. Omwene ne ku yambeke.

(Paulus Andreas)

E I M B I L O L Y A A W I L I K I N G E R K I
M U A F R I K A

Nkene Ongerki muAfrika tayi pumbwa eithikameno pwaa na omayambidhidho, osha pendutha eipulo enene maawiliki-ngerki Aayafrika pethimbo ndika.

Shika osho wo sha li oshikundathanwa shimwe sha simana mokati kiikwawo ya li ya ningwa moshigongi shuukumwe wo-ongerki dhaAfrika muLusaka, Zambia muMai 1974. Omadhiladhilo gamwe ga hololwa komusitagongalo gwomuKenya, John Gatu, moshinima shika otaga ti.

Ando Afrika li lile, mokupititha po omimvo ntano lyaa na nando aatumwa aayeuroopa, ko ku talike shono tashi ningwa po ethimbo ndyoka.

Omusita Gatu oku na eitaalo lya kola moshinima shika,kutya shono sha pumbiwa opo oshilonga shevangeli shi longwe noshi falwe koocha dlamuyuni, ha-iimaliwa, ihe eigandjo lyomuntu mwene netokolo lyomeitaalo. Ota ti:

"Katu wulu okutunga Ongerki muAfrika niikwatha tayi zi pondje, nohasho omukalo gwokulongela oshilongo sha-Kalunga mokuninga aawilikingerki ayehe ongundu yaaheheli mboka taa imbi aluhe eimbilo lyoluhepo lwoongerki mpaka."

Omusita-gongalo Gatu, ngoka a hogololwa koshigongi shoongerki muLusaka a ninge omunashipundi shehangano lyuukumwe woongerki muAfrika (AACC) ota ti kutya;

Shimpa tuu tatu zimine kutya Ongerki otayi kala ongundu yaantu yaKalunga nonando pwaa na aatumwa, mpoka Ombe-po Ondjapuki tayi longo, oshilonga shetumo tashi longwa, nena otu na okugwanenwa kushika pwaa na egwehelo lyiinima yimwe ya nika omahistoli. Ongerki nayi pewe ompito yokukondja nomaudhigu gayo yene - osho ta ti.

EGUMBO LYOONAKUHEPA KOKULE NAANTU

Ontuntu ya Robben (Robben Island) ngashi ya lukwa kaayendifuta Aandowishi, o-ya kala eha lyomahepeko oomvula dhomathele ogendji. Oshifo "LWB-information" sha ti. Pahokololo lyasho, ontuntu ndjika ontshona ngaa, oyi li oomaila 7 kuuningininombangalantu waKaapa. Okuza 1652 oya longithwa kehangano lyevathano lyaHollanda naIndia ongondholongo okuholeka aanandholongo momemo gaa-talelipo.

Pethimbo ndika egameno lyontuntu ndjoka olya "dhiginina", pamadhiladhilo gehokololo ndika lya za kuLondon. Owato itayi tokola mpoka muupopepi womaila yimwe, okuninga ye shi zimininwa. Oko hoka Nelson Mandela, omuwiliki gwongundu "African National Congress" mu S.A. pamwe noongudhi dhilwe dhaakondjelimangu-luko mu S.A. nomuNamibia (SWA), ye li. Ehokololo otali landula ngeyi:

Aantu mbaka ye li momimvo dhuukuluntu pokati 17 - 70, oya li aailongi, aalongisikola, aanafalama, aanaaveta, aalongi moositola nomcombelewa nosho moofabulika, oya li ye na okuninga oshindji mokati konkalathano. Ngashi aatetekeli yawo, osho wo yoyene oya kondjele uuthemba womuntu ethimbo ele

Okuza omimvo 10 dha piti, aapolotika oyendji kontuntu ndjika, oya kala mboka eyono lyawo kali na sha nelongitho lyekuni.

Aapolotika ye thike lwopo 400 oye li hoka nayamwe 200 yomayono gi ili. Shito konima yomimvo 10 omahepeko gawo oga kala haga holoka miifo. Ngashingeyi oye li hwepo nonando onkambadhala opo yi li natango yoku ya tyololokitha noku ya teya omukumo, yi iise uunye yoyene.

Monkalo ndjika, aanandholongo yoyene otaa kambadhala okukala ngaashi omuntu e na okukala nonando taa longithwa nayi, taa li iikulya iiwinayi inaayi gwana neyakulo lyomiti lya pumba.

Itaa pitikwa ya hike omwiilwa, nopomathimbo gamwe otaa kelelwa yi imbe omaimbilo ngoka tage ya kwatha okulonga iilonga iidhigu muutalala nomepupu.

Dr. Albertina Ngakane mu S.A. sho a talelepo lwotango omulumentu gwe kondholongo ndjika, okwa ti:

Mokwaashisha kwandje onda li po numboloto ndi mu faalele aniwa. Onde u kuthwa. Otwa li 16, nefolo lyaMandela opo a li.

Omulumantu gwandje onde mu monene mекende enene. Konyala ndi mu nukile ndi mwiidhingile mothingo, ihe pokati opwa li ekuma lyekende. Nda haluka. Nde mu tala, a nanga ye a lunduluka. Otwa tameke oonkundathana, ihe otwa gandwa, kutya inatu popya sha pondje

yegumbo lyetu. Konima yokathimbo, otwi ithanwa po, aniwa ethimbo lya pu ko.

Osho olwando lwoomaila dhi vule eyovi limwe lwa kala ashike metalelopo lyotundi yimwe nenge shi vule kashona.

Ehokololo olya ti natango, kutya oku na oyendji mboka inaa mona omutalelipo, inaa lesa ombapila ya za kegumbo, nando lumwe.

Yamwe mboka haa mana ko ethimbo lyawo ohaa tulwa natango mondholongo yomegumbo lye.

Konyala Aaawambo 30 oye li natango kondholongo ndjika. Mokati kawo omuwiliki omunene, a simana gwaSWAPO, Herman Ja Toivo. Kuku Elizabeth Toivo, yina ya Ja Toivo okwa mono epitikilo pehulilo lyomwedhi nguka, a ka talele po omwana konima yonkambadhala yethimbo ele. Pamwe naye oya yi na meme Maria Nankudhu na meme Priskila Tuhgedeleni, omukulukadhi gwaKaxumba kaNdola.

WINDHOEK- Onkundana ya zi mOvenduka oya ti kutya, omusamegane David Merero (57) okwa mangelulwa mo mondholongo yekuma sho a kala mo konyala oomwedhi ntano, Mompangu okwa monika ondjo yokwaadhika niinyolwa yehangano lyuukomunisi lyaAfrika (African Communist).

Kegandjo lyombambyona yooranda 200, Merero ota kala pondje yondholongo yekuma, ye ti imeleta kopolisi ongula nongulohi yesiku kehe. Kee na okupita mo moshilongo nenge okukala moshigongi shontumba.

Merero omunashipundi shongundu yaSWAPO mOvenduka nomunangeshefa a simana. Okwa tegelelwa natango a ka ye mohofa eti 3 Septemba nuumvo.

Eyemato lye lyokungambekwa oongamba nonando oye omunangeshefa, inali pulakenwa.

@@@@@@@

@@@@@

OMPUMBWE YA APANGI OOSESTELA

MIIPANGELO YETUMO

Aapangi yoosestela (General Nurses) otaa pumbiwa unene miipangelo yetumo. Kumboka yu uvite eithano ndika, omapulo nomaindilo gawo otaa vulu oku ga ukitha kOmukuluntu gwOshipangelo (Matron) shaNandjokwe P/B.2016, ONDANGWA 9270, Tel. Ondangwa 9

=====

UUDI AKONI

Aagundjuka 18 aakiintu muELOK, oya yambekelwa moshilonga sheyakulo (shuudiakoni) mOngwediva pehulilo lyomwedhi gwa zi ko.

Ndjika oyo ongundu ontiyali ya piti mEnongelo lyaayakuligongalo, aakiintu ya putudhilwa oshilonga shuudiakoni konyala muule womimvo hayali dha piti

Epangelongerki lyaElok, olya utha omudiakoni Kristofina Ndatyomawe, gumwe gwomaadiakoni aakiintu yotango mOngerki, a mangululwe miilonga yegongalo, ye a tameke oshilonga shokutalela oshilonga shuudiakoni momagongalo okuza petameko lyomwedhi nguka.

Meme Kristofina okwa kala ha longo megongalo lyaLupandu nongashingeyi oshilonga she ote ke shi kalela omutumba mEngela.

Oombapila dhomalanditho

Aanangeshefa Aawambo inaya konga ashike oombapila dhomalandithilo goonguyo (lisensi), ihe otaa vulu wo okukonga oolisenza dhookefi, dhiiyimati niikwamboga, dhiipa noombanza nosho tuu.

Osho oministeli yomahupilo, omusamane Tiitus Heita a popi. Oministeli oya ti, kutya mboka ya dhiladhila kutya Epangelo lyOwambo inali hala okugandja oombapila dhilwe, shika iifundja yowala.

(Eumw)

Oshihauto shaagundjuka

Opwa piti ethimbo ele sho agundjuka yomoshitayingerki shUninginino ya kala taa kondjo noku-gongelela oshihauto shawo yene iimaliwa.

Pahokololo lyoshitayingerki shoka omwaalu gwiimaliwa yi thike lwopo-R 1,900 oya monika nale nokuli. Ope na etegameno enene kutya kape na we ethimbo ele, agundjuka yomoshitayi shiyaka ya kale no Bedforda ya za momaliko gawo yene.

&&&&&

OMUKWETU

Oye oshifo shOngerki onkwaevangeli paLuther yomOwambokavango. Ohashi nyanyangidhwa mOniipa. Omukuluntu gwoshifo omumbisofi dr.L.Auala Amushanga gwoshifo Rev. Sebulon Ekandjo.

Ondando yoshifo komumvo muSuidwes nomuAfrika alihe R 1,00 kombanda yomafuta R 2, 00

Ondando nomambesitelo naga tuminwe kOmwetu, Oniipa P/B. 2013, Ondangwa 9270.

Omatseyitho agehe ngoka ge na shaniilonga y9muntu mwene ohaga futilwa kumwene gwago

Owambokavango Church Press
Private Bag 2013, Ondangwa 9270,SWA